



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-1911-17/15

Datum: 19.08.2015.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) , i Zapisnika o pregledu i ocjeni ponuda od 17.08.2015.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za radove u predmetu nabavke "Sanacija putne infrastrukture/klizišta na području općine Tešanj" za:

LOT 1. - Sanacija puteva: "Hrvatinići-Tugovići u MZ Tešanj"; "Gušća u MZ Tešanj"; "Kotlanice-Bučje u MZ Raduša"; "Karadaglije-Oruče u MZ Karadaglije"; "Ripna u MZ Jablanica"; "Roše u MZ Jablanica"; "Zelenika u MZ Jablanica" i "Zupčanik u MZ Šije", po cijeni od 29.672,00KM (slovima: dvadesetdevetihiljadašeststotinasedamdesetdvije i 00/100 konvertibilnih maraka) bez PDV-a, odnosno sa PDV-om 34.716,24KM (slovima: tridesetčetirihiljadesedamstotinašesnaest i 24/100 konvertibilnih maraka) je ponuda ponuđača Trans-Kop d.o.o. Tešanj.

LOT 2. - Sanacija puteva: "Joldići u MZ Tešanj"; "Tešanjka-Lepenica u MZ Tešanjka"; "Toplana-Čifluk (Madi) u MZ Bukva"; "Mujezinovići u MZ Dobropolje-Mekiš"; "Novo Selo-Šeljme u MZ Novo Selo"; "Salkanovići u MZ Medakovo"; i "Vehabi u MZ Dobropolje-Mekiš", po cijeni od 19.089,00KM (slovima: devetnaestihiljadaosamdesetdevet i 00/100 konvertibilnih maraka) bez PDV-a odnosno sa PDV-om 22.334,13KM (slovima: dvadesetdvijehiljadetrinstotinetridestčetiri i 13/100 konvertibilnih maraka) je ponuda ponuđača Trans-Kop d.o.o. Tešanj.

LOT 3. - Sanacija i asfaltiranje puta "Hatkići u MZ Oraš Planje; i "Dogradnja mosta u Čifluku", po cijeni od 30.334,52KM (slovima: tridesethiljadatristotinetridestčetiri i 52/100 konvertibilnih maraka) bez PDV-a odnosno sa PDV-om 35.491,38KM (slovima: tridesetpethiljadačetiristotinedevedesejedna i 38/100 konvertibilnih maraka) je ponuda ponuđača "AB-Trans" doo Tešanj.

**II**

Ponude su dostavljene u otvorenom postupku javne nabavke koji je objavljen na Portalu javnih nabavki dana 23.07.2015.godine pod brojem: 375-1-79-3-27/15, obavještenje objavljeno u Sl.glasniku BiH broj:61/15 od 03.08.2015.godine, kriterij za dodjelu ugovora je najniža cijena.

**III**

Obavezuju se izabrani ponuđači da u roku od 5 dana od dana prijema ove Odluke dostave ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Za realizaciju Odluke zadužuje se Služba za društvene djelatnosti i investicije i Služba za finansije, privredu i inspeksijske poslove općine Tešanj.

**V**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

### O b r a z l o ž e n j e

Aktom broj:02-49-1-1911-2/15 od 22.07.2015.godine Općina Tešanj je donijela Odluku o provedbi postupka javne nabavke za radove "Sanacija putne infrastrukture/klizišta na području općine Tešanj", sa podjelom na tri lota. Odabran je otvoreni postupak, koji je objavljen na Portalu javnih nabavki dana 23.07.2015.godine pod brojem: 375-1-79-3-27/15, obavještenje objavljeno u Sl.glasniku BiH broj:61/15 od 03.08.2015.godine, kriterij za dodjelu ugovora je najniža cijena. U ostavljenom roku za dostavu ponuda pristige su 4 ponude kako slijedi: ponuda "Trans-kop" doo Tešanj (za Lot 1 i Lot 2), ponuda "KM Gradnja" doo Miljanovci (za Lot 1, Lot 2 i Lot 3), ponuda "AB-Trans" doo Tešanj (za Lot 1, Lot 2 i Lot 3) i ponuda "Geo-Put" d.o.o. Maglaj (za Lot 1, Lot 2 i Lot 3).

Komisija za javne nabavke imenovana rješenjem Općinskog Načelnika broj:02-49-1-1911-9/15 od 13.08.2015.godine izvršila je dana 17.08.2015.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve pristigle ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda kako slijedi:

#### za Lot 1:

1. Trans-Kop d.o.o. Tešanj
2. "KM Gradnja" doo Miljanovci
3. "AB-Trans" doo Tešanj
4. "Geo-Put" d.o.o. Maglaj

#### za Lot 2:

1. Trans-Kop d.o.o. Tešanj
2. "AB-Trans" doo Tešanj
3. "Geo-Put" d.o.o. Maglaj
4. "KM Gradnja" doo Miljanovci

#### Lot 3:

1. "AB-Trans" doo Tešanj
2. "KM Gradnja" doo Miljanovci
3. "Geo-Put" d.o.o. Maglaj


Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-1911-16/15 od 17.08.2015.godine), da se u predmetu javne nabavke radova "Sanacija putne infrastrukture/klizišta na području općine Tešanj", donese Odluka o izboru najpovoljnijeg ponuđača i da se kao najbolje ocijenjene prihvatljive ponude za radove u predmetu nabavke, određuje ponude ponuđača Trans-Kop d.o.o. Tešanj, za Lot 1 i Lot 2 a ponuda ponuđača "AB-Trans" doo Tešanj za Lot 3, te da se sa istim zakluče ugovori u skladu sa ponudama navedenih ponuđača za robe predmetne nabavke.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### DOSTAVLJENO:

1. Ponuđačima x 4,
2. Predmet.

*Huskić*

  
**OPĆINSKI NAČELNIK**  
*Huskić*  
**Mr.sc. Suad Huskić profesor**